



## AKORDU KOOPERASAUN TÉKNIKA NO FINANSEIRA

N.º <sup>52</sup>...../2024, laron 16 Juñu

### AKORDU KOOPERASAUN ENTRE CONSELHO DE IMPRENSA no RTTL, E.P HO FINS PROGRAMA TELEVIZIVU KONA BA “LIBERDADE IMPRENSA HA’U NIA LIBERDADE, TRANSMISAUN DIRETA NO LIVE STREAMING

Conselho de Imprensa, entidade administrativa independente, kria ho Decreto de Lei N.º25/2015 de 5 de agosto, ho sede rua de Quintal boot, iha ato ida ne’e representa husi Prezidente Conselho de Imprensa, **Otelio Ote**, no RTTL,E.P hanesan empreza publika ne’ebé kria ho decreto Lei N.26/2008, de 26 de Novembro, iha ato ida ne’e representa husi Prezidente Conselho Administrasaun, **José Antonio Belo**, konkorda selebra prezente **AKORDU KOOPERASAUN TÉKNIKA FINANSEIRA** ne’e, ho baze ba Decreto lei N.º 25/2015, de 5 de agosto, ho nia klauzula sira hanesan tuir mai:

#### Klausula I

##### Objetu

Iha prezente akordu kooperasaun ho nia objetu kooperasaun téknika kona-ba Programa Televizivu ho tema “Liberdade Imprensa Ha’u Nia Liberdade, Transmisaun Direta no Live Streaming, ne’ebé sei ezekuta tuir planu trabalho aneksu, ho transferénsia rekursus finanseirus ho exekusaun téknika programa.

#### Klausula II

##### Planu Programa

Atu alkansa objetu paktuadu, parte sira iha obrigasaun kumpri ba planu programa ne’ebé aneksa iha akordu ida ne’e (aneksa planu programa, oráriu produsaun no publikasaun).

### **Klausula III**

#### **Obrigasaun Komum**

Ba konsekusaun objetu akordu parte sira kompromete atu:

1. Elabora Planu Trabalho relativu ho objetu iha akordu ida ne'e;
2. Ezekuta atividade sira objetu husi akordu ida ne'e, nune'e bele monitoriza nia rezultadu sira;
3. Parte sira deside nia representante institusionais hodi koordena ezekusaun akordu ida ne'e;
4. Responsabiliza ba kualker dano porventura kauzadu sira, dolosa ou kulposamente, husi nia koolaborador sira, servidór sira ou prepostos, ba patrimóniu husi parte sira nian, wainhira ezekuta akordu ida ne'e;
5. Analisa rezultadu parsiál sira, reformula meta sira wainhira nesésariu ba atinjimentu rezultado finál;
6. Kumpri atribuisaun própria sira konforme defini ona iha responsabilidade;
7. Realiza visita hamutuk, wainhira nesésariu;
8. Disponibiliza rekursus umanus, teknolójiku e matéria sira hodi ezekuta asaun sira ne'ebé haktuir iha parte sira nian responsabilidade;
9. Wainhira studio okupadu parte sira bele koordena hodi deside fatin seluk;
10. Permite livremente asesu ba kontrolo internu no externu, relativu ho dokumentu relasiona ho akordu, husi entidade seluk wainhira nesésariu.
11. Iha kazu sira relativa ho forsa maior ne'ebé impede ezekusaun programa ou realizasaun produsaun programa parte rua komunika imediata ba malu nune'e bele realiza fali iha loron seluk.

### **Klusula IV**

#### **Responsabilidade Conselho de Imprensa**

Responsabilidade Conselho de Imprensa mak hanesan:

- a) Prepara materia no organiza orador sira atu partisipa iha debate televizivu, inklui materia no produsaun ho formatu dokumentáriu ka pakote informativu
- b) Halo editing ba gravasaun antes publika.
- c) Modera debate televizivu, transmisaun direta no Live Streaming
- d) Prepara lojistik sira no osan viejan lokál ba ekuipa Radio Televizaun Timor Leste, Empreza Publika,( RTTL,E.P) wainhira programa ne'e hala'o iha Munisípiu.

- e) Prepara akordu ko'operasaun entre instituisaun rua ne'e no asina hotu molok implementa progama ka atividade ida ne'e.

## **Klausula V**

### **Responsabilidade RTTL,E.P**

Responsabilidade RTTL,E.P mak hanesan:

- a) Responsabiliza ba pessoál tékniku, ekipamentu tékniku inklui preparasaun fatin ba gravasaun kada epizódiu debate televizivu;
- a) Transmisaun iha kanal Televizaun tuir oráriu ne'ebe konkorda hamutuk;
- b) Wainhira iha kazu sira failansu tékniku ne'ebé kauza labele realiza produsaun programa, RTTL,E.P komunika imediata ba Conselho de Imprensa nune'e bele realiza fali programa hanesan iha loron seluk.
- c) Prepara Invoice orijinal ho Kop Radio Televizaun Timor – Leste, Empresa Publika no submete ba Conselho de Imprensa wainhira atividade remata iha prazu loron 30 nia laran.

## **Klausula VI**

### **Jerensiamentu Ba Akordu Kooperasaun**

1. Iha prazu loron 30 kontu husi selebrasaun akordu, kada partisipe designa formalmente, mediante iha nia site.
2. Parte sira responsavel ba jerensia ba parseria ida ne'e tenke ho zelar ho nia fiel ba kumprimentu, koordena, organiza, artikula, akompanha monitora no supervisaun ba ezekusaun atividade ida ne'e.
3. Kompete ba designadu sira kona-ba komunikasaun ho parte seluk, relativu ho transmisaun no simu solisitasaun; marka reuniaun sira, no dokumenta hotu komunikasaun;
4. Sempre indika ba parte seluk relativa ho kontinuasaun ba desempeñu ema ne'ebé responsabiliza wainhira akontese substituisaun ne'ebé parte sira bele komunika ba malu iha prazu loron 5 nia laran no indika inditifikasaun ema ne'ebé substitui.

## Klauzula VII

### Rekursu Orsamentu no Patrimóniu

1. Conselho de Imprensa mak responsabilidade ba kustu ba antena ho total USD 500,00 ba kada epizódiu.
2. CI prepara snack ba bainaka no ekuipa produsaun hosi CI no RTTL,E.P.
3. Patrimóniu ne'ebé'e uza iha iha atividade mai husi patrimóniu Conselho de Imprensa no RTTL,E.P;

## Klauzula VIII

### Prazu no Vijénsia

Akordu ida ne'e ho prazu fulan Julnu ate Desembru tinan 2024.

## Klauzula IX

### Kazu Omisso sira

Situasaun sira ne'ebé la prevista iha akordu ida ne'e sei solusiona hamutuk hodi buka entendimento ne'ebé hanesan.

## KLAUZULA X

### Konsiliaun no Foro

1. Wainhira existam disputa ruma ou konfliktu ruma entre parte sira bele solusiona amigavelmente
2. Parte sira konkorda katak wainhira iha kazu sira litijiu insanável kona-ba matéria sira iha akordu ida ne'e tribunal competente mak Tribunal de Distrital de Díli.

Dili, ..... 2024

  
**Otelio Ote**  
Prezidente CI

  
**José António Belo**  
Prezidente K.A. RTTL,E.P